

梅

里

志

梅里志卷第五

里人楊

謙纂

李富孫補輯

余

林續補

李保宸參校

寺觀三

三姑廟在里北五里鄉人以三姑為土神廟外向有獅

子塘橋今廢續補廟於光緒二年里人募資重修

補三姑廟在三姑塘此廟本許何時創建朱藝詩云三

姑廟王塘北稻花香蓋古廟也司志

三姑事見括異志今長水有廟馬王塘在其北暴書亭集

華澱湖山上有三姑廟每歲湖中羣蛟競鬪水為沸騰

獨不入廟中神極靈異向年有漁舟艤湖口忽見一婦人
附力云欲到澱山寺及抵岸婦人直入寺去舟中止遺一
履漁人執此履以往索渡錢寺僧甚訝之曰此必三姑顯
靈因相隨至殿中果見左足無履坐傍百錢在焉遂授漁
人而去

閩窗括
異志

吳地志秦時有女子入柘湖爲神湖今墮塞爲蘆葦之場
神亦弗祠其澱山湖中普光王寺三姑祠靈甚湖旁三數
十里田者與往來之舟皆禱焉故老相傳秦時人姓邢氏
女兄弟三人謂卽柘湖所祠也

嘉禾
志

三姑祠在寺傍相傳爲秦人邢氏之女孟曰降聖仲曰月

華季日雪鶴能役鬼工以治湖柳故祠之

名勝志

許尙三姑廟詩神居陰物護果闕捍洪波莫慮蛟龍怒年

來畏叱訶

嘉禾志

朱彝尊長水三姑廟河瀆神詞花下蝶微飄

黃頗

江皋綠草

迢迢杜牧一渠春水赤欄橋

溫庭筠

空餘淚滴寒潮

劉長卿

野廟

向江春寂寂

李羣玉

清川永路何極

劉長卿

望盡青山獨立

盧綸

紅桃處處春色

魚元機

補王湘梅谿櫂歌三姑洲上馬王塘草徧紫蒿木徧桑十

里紅蠶長水市叢王店祀馬明王

智覺寺在里北十八里馬王塘橋之西

營田都務在縣南二十六里宋開寶八年立為智覺院嘉禾志

智覺寺在縣南二十六里舊為營田都務宋開寶八年立為梵刹咸平六年賜太平天壽院治平元年改今名洪武初定為禪寺二十四年併歸資聖禪寺永樂元年里人張

福信重建柳志

補智覺寺元延祐二年僧文彬有常住田狀大德九年分抄注到本寺僧及外方施主田一百餘畝條段四至鑄盤石碑寺久傾圯萬厯十七年僧如記等重修司志

周贊智覺寺橋上眺望詩梵閣晨鐘徹谿橋野望清葉紅

攢似錦雲碧玉疑城長水秦時鑿禪宮漢代營追隨煩指
點珍重遠公情

瑤寶寺在里之西北三里或作姚堡寺山門大殿久已傾圮
殿西佛樓一座乾隆戊子冬燬於火今僅存殿後數椽而已
瑤寶寺縣南長水都近王店宋隆興普照禪師建舊名智
遠院爲天寧寺下莊嘉靖間倭燬崇禎中里人曹谷倡建
何志

智遠菴在縣南三十六里宋端平三年僧志翁開山洪武
初寺僧廣純等重建殿宇齋堂洪武二十四年歸併天寧
寺成化十二年僧宗智仍舊額重修殿宇

鄒志

蔣薰瑤寶寺詩竹院梅谿北龍宮鶯水西秋聲聞木葉野
色入檐題神以淡無累津從問不迷此間可業白何必覓

巖棲

留素
堂集

又同蓮人二完諸老游宿瑤寶寺詩乘興三過尋野寺秋

風搖落白蓮池布金有待給孤長

時值修
葺佛殿

入社曾期惠遠

師可肯皈僧茅屋下無妨酤酒菊花時淨心吾輩游方外

來往風流更賦詩

同上

又憶瑤寶寺牡丹訊惺聞長老詩聞說吉祥春滿圓綵籃

分獻阿誰家蔣翁有意來尋酒慎莫將花換蜀茶

同上

王庭和蔣丹崖過飲瑤寶寺詩

寺僧兼
行醫

上人瓢掛西風裏

藥水居然似上池近市尙能尋法會比隣常肯問經師乞
餘野飯僧歸後酤得村醪客到時筆墨屏除應有意怪他
疥壁是題詩

李人兆姚堡寺訪惺公詩挈友尋香積新晴屐易乾僧閑
容客到日暖散春寒柳岸東西碧桃谿上下丹喜聞清梵

微能此幾盤桓

飛翠山房集

淨真菴在瑤寶寺後

新廟在瑤寶寺之東一名俞天菩薩廟康熙間春日演劇最
盛有戲臺石柱尙存

寶勝廟在新廟之南廟前有橋東側沿河向有廊爲行人憩

息之所補今已傾廢

魯菴在瑤寶寺之西

楊林廟在里之西南里許土穀神也

補楊林廟在馬瞳西南廟僻小祀嘉會都土穀之神春風錄

總管堂在楊林廟之南隔河有演戲臺

施公廟在里南七里雙板塘橋東堍前有戲臺春月酬神演劇最盛殿基係鄉人殷姓捨地廟南樹基係張姓捨地臺基看場先曾祖禹聲公所捨地也外有營汛

勅封護國鎮海侯施相公祠在王店鎮南九里

何志

蔣薰募修施相公廟文竊聞施公生我里少事異人得神

傳無所繫見其軼事往往著於神歌公歿後金人渡江化爲偉丈夫說其編木而濟中流盡溺以是有陰功於宋封鎮海侯至今鄉中耆老能道之又廟以南有古冢如拳夜有金銀氣或幻形伏雌引雛而鳴相傳卽其墓焉

素留

堂集

補谿南七里有施相公廟香火獨盛人稱爲施王或稱施府君相傳爲里中秀才後爲神里人建廟祀之廟前有樓名登青上元後里人迎神賽曲無虛日又南故宅址篁棘叢生或云卽其墳墓在焉

天香錄 吳志施府君宋人名伯成九歲爲神有禱輒應明勅

封護國鎮海侯

繆綏武梅花谿踏青詞雙板塘橋壓看場管弦聲逐晚風
涼青旗布幔堪圍飲醉踏斜曛歸不妨

海印菴在甘水村俗稱小菴樗叟題曰水村蓮社創自趙宋
前明正德間有僧文澄字碧潭者自硤川廣福菴來主是院
歿後其徒宗曇爲之構塋於後圃屬顧楷撰志其碑尙存有
竹浪舟桐徑戒香居竹林諸景

補海印菴又名小菴在里南修篁萬挺門徑極幽

春風錄

蔣薰過海印菴詩緩步東谿去常時竹院過掛書牛角少
聽法樹邊多野衲能沽酒狂生自浩歌興來題壁滿莫使

蔓青蘿

留素堂集

又題桐徑詩青桐夾路隅朝氣東臬爽白雲爲歛扉幽禽
自來往

又題碧潭詩深林一谿澄游魚細可數倚杖石橋西落葉
零秋雨

又題萍闢詩梅妻萍道人竹友申居士經年不出戶寂寞
我與爾

又題戒香居詩精舍方一丈高蔭娑羅樹空庭滿叢蘭當
門不當路

又題竹林詩種竹莫截竹清風日夕至時作伏龍鳴更題
棲鳳字

又偕張廣文王金吾訪海印菴濟上人啜飲詩村居已夏
五竹院領鮮風好友頭皆白殘僧耳獨聾經行林遠舊酒
政阮嵇同卻憶十年事浮生泡電中

又竹浪舟次南音長老韻竹林深處水東頭開士精廬住
陸舟惠遠不須過谿送閔公常作泛湖游五更秋葉孤篷
雨一壑春雲萬里流時有鳴禽自來去忘機何異狎馴鷗
又立夏日同蓮人過萍關詩閔向萍關尋舊社和憐去日
老何如春風度後猶攜杖夏木陰來且廢書不覺虛空禪
語切多因淡蕩世情疏華嚴得遂焚香誦此地忻然愛我

廬

王庭和丹崖過萍關韻逍遙只有南村叟筋力偏強我不
如自許夜傾三斗酒人傳日讀百篇書尋芳倍惜春花少
坐蔭無嫌夏木疏爲訪故交文社地萍開空掩舊僧廬

漫餘

草

沈進水村卽事詩苦思避暑無良策惟有尋僧到竹林挂
壁早嫌衫袖小持竿猶喜菱荷深沙明岸腳驚魚擲雨黑
山頭夕照沈肯許濁醪同引滿埜人相對坐清陰

釋通門中秋後一日過小菴詩精舍孤村立閤林野客尋
會心千箇竹清耳一聲禽秋日不知迴涼風自覺深桂香
猶在樹遲日坐芳陰

曠菴在海印菴東里許萍關無相弟子所營

蔣薰始營曠菴成賦示彥暉長老詩草座新敷繞吉祥

草名

卽看曠野現毫光

曠楚佛所住精舍

僧來卓錫開方丈我亦聞鐘

借上牀酤酒蓮池惠遠社賦詩茅屋已公房相過百徧留

閑老貝樹青青佛日長

留素堂集

又同邁入青士過曠菴詩喜霽尋精舍扁舟曠野來上番

成密竹生意發枯梅

菴中老梅枯而復生

客省聞鐘後僧閑酤酒回

同游劇懽笑作達老顏開

蔣菴在大石橋之北一名住錫尼菴也里人繆元英書額

茅菴在小石橋蔣薰謂予舊宅之北小石橋有茅菴今廢

蔣薰石橋僧詩吾家有令弟老作石橋僧經案持千偈禪
牀伴一藤飲泉分滌井乞火與明燈常說天台路今生去

未能

留素
堂集

蔣莊廟在王家兜

貞姑廟在里東練浦俗訛稱周公廟

貞姑廟在練浦塘一螺青東南廟外有橋土人以貞姑爲

土穀祠春秋社祭府志失載陳處士靈茂詩雲衣金粉餌

煙帳蕙蘭銷亦過廟下作也有好事者補張堯同百詠則

廟其一乎

靜志居
詩話

馮伯初崔貞姑廟詩貞姑遺廟練塘均古瓦漂零補白茅

影帳有煙香細細明粧賸粉玉
硤硤連村未輟雞豚社獨
樹長懸鶴鶴巢右族博陵銷歇盡
尙餘彤史一題鈔

明詩綜

陳許廷崔貞姑廟詩野塘臨練浦
祠屋類團焦近社初聞
鼓開門側近橋雲衣金粉蝕煙帳
蕙蘭銷欲采蘋花薦迥

波一水遙

橋李詩繫

馨菴在里東曹墩之北朱彝尊有曹三秀才山秀讀書馨菴
同吳大莖訪之遇雨畱信宿詩見暴書亭集

東瑤菴在里北六里東瑤橋

晏公廟在里西南十六里天財橋東
堍觀音殿基乾隆初年
先子治良公所捨梁上題名現存

明永樂遣太監鄭和出使西洋求寶以軍士從行千百戶頭各建晏公一廟以祈神佑城中外共有十廟

何志

觀音堂在里南二里甘水村今廢

觀音堂在嘉興縣南利字圩千守村元至正年間里人千曾四造其梁上書跡現存至今子孫護奉香火不絕福庇

畊穫極爲靈驗

何志

觀音菴在縣南三十六里元至正十年僧性善開山國朝

洪武三年僧谷珉修建佛屋齋堂

鄒志

智覺菴在里東北五里胡菴浜一名胡菴

智覺菴在縣南二十三里宋開寶六年僧邱永濟立爲子

菴元至正二年克溫開山洪武初得盛重修成化二十年

僧宗珊改建佛樓

鄒志

智覺菴在縣南二十二里宋開寶立爲子菴元至正僧克

溫開山明洪武修康熙中里人杜臻重建

何志

智覺菴在縣南二十里宋建國朝尙書杜臻等延天台

僧全彰重建

吳志

東海菴在爰山頭

周簣東海尊者記長水之西紫微山之北有二山相北左
曰爰右曰史二山之間其地曰千金圩圩之旁有菴曰東
海菴之中有肉身像一軀曰東海尊者尊者結跏趺坐目

微瞑若禪觀狀十指相疊爪皆長二寸許耳垂及肩通體
髹漆塗之金金漸黝黑兩膝盤結處爲觀者撫摩金漆盡
畧辨筋骨相傳萬厯中海水汎濫時圩之旁有物隱蘋藻
間人竿掠之去明日視如故更三日不他徙鄉之老者曰
是必有異使壯者探之遂得尊者昇以登岸趺坐不欹而
被體袈裟別於中國於是鄉人驚異前後羅拜爲漆軀塗
金築菴以奉之名曰東海意尊者自東海來也後十年菴
災尊者居烈燄中無毫髮傷鄉人更築菴焉以俾處荒壤
游覽者寡卒莫爲表著嗟夫士君子景仰往哲不獨其流
風餘韻穆然深思不怠卽翰墨履綦爪髮邱壠之所在猶

且瞻眺低徊愛慕無已而況儼然軀體之可覲者乎然吾聞浮屠之教與儒者異其視軀體存亡直遺蛻委形也何所顧戀而入水不濡入火不熱如此是又不可曉也尊者平生修習吾不得而知今卽其顯異茲土亦足以傳故記之時甲辰三月五日也

采山堂集

曹谿菴一名曹岳廟

邵堡廟在橫一河明萬曆十二年里人朱某重建

水香菴在長生橋北楊家浜

李季奕十三日再過水香菴問放公詩寂寂東谿路僧房面水開白雲迷谷口黃葉亂山隈人以閑長集花因晴未

摧維摩病起日共爾一徘徊

徐在詩上人早訂十三期數子能容老態隨病肺欲分囊
貯藥傳杯忽聽雨催詩鳥歸踏葉嘯楓樹花換凝香供赤
髭恰愛禪心偏藻麗青畱筵釣最相思

李良年詩水痕初減舊蒼苔爲侍巾瓶緩屣來籬徑一旬
看再掃豆花雙架恰俱開錢餘買藥還酤酒病不妨吟轉
見才何處青山堪共隱與君揮手謝煙霞

李符詩裙屐到門如昨日谿雲過雨變新涼不妨病起尋
香桂欲遣詩成買索耶硯水更添茅屋下榆錢時墮藥鑪
傍何年一笑煙霞外長對生公坐石牀

補寶蓮菴在里東南盛家橋屠最齋有募建寶蓮菴韋馱前

殿并茶亭疏錄春風

補祠宇

古者重宗法而宗子皆得立祠所以敬祖睦族誼至美也
至有以忠節文章著者亦得設祠以祀之里中舊族近多
剋建宗祠誠有合於古禮而節孝清芬亦以表幽芳厲俗
化云

三忠祠朱檢討葵尊議建梅里三忠祠祀明貴陽郡丞王允

昌先七世祖寧海同知士標

張廷濟
撰碑

揚州學官李自明三公

未果

續補

道光二十九年知縣朱緒曾建在蔣家灣增祀明兵

科給事中 國朝賜謚節愍李公敏新改名四忠

許燦詩甘將碧血濺刀弓萬古孤臣正氣同欲乞巫陽招

散魄湘繁何處薦三忠

李旦華與同江叔話舊有感詩國殤當日酹忠魂君是孤臣幾葉孫安得歸然瞻廟貌靈旗風雨薦芳蓀

李氏宗祠在里東長生橋北祖塋側明□□年李□建

馮氏宗祠在元真觀南舊名南溪別墅鄉飲賓馮三益所構爲堂三楹後臨溪上架飛樓名南舫前有小池石橋修竹深柳環繞雍正十三年上舍翰池改建

張氏宗祠在三十二間後乾隆四年張肆建

沈氏宗祠在里南閔家橋乾隆二十四年上舍沈世昌建
三李祠在市北三里卽天香菴故址乾隆五十五年從祖集

改建祀五世祖秋錦公暨五世伯叔祖尋壑畊客公錢塘梁
學士同書桐鄉金主事德輿書額武進趙舍人懷玉撰楹帖
并書五十九年復奉從祖栗主配食

楊蟠三李先生祠堂記三李先生少無用世之志願其著
述每出老儒宿學輒驚曰天生奇才萃於一門宜爲世大
用康熙戊午開宏詞之科畊客先生方在京師知者欲以
名上謝曰予仲兄秋錦已被薦若入選是科已有人矣何
更及某耶尋壑先生在楚幕亦以是堅卻制府丁公之薦
未幾秋錦先生爲忌者匿卷被落朝士莫不惋惜而先生
兄弟纖豪無得失意益讀書以著述自娛而三李之名愈

重且徧海內矣秋錦先生與竹垞朱先生齊名同時呼爲
朱李先生游屐所至拂藪畱題傳鈔者不絕未嘗不想見
其爲人初尋壑先生暮年倦游構別墅於補篁村去天香
精舍甚近秋錦先生過精舍詩有十三株已壓羣芳更愛
斜連伯氏莊之句十三株指精舍宋梅也伯氏莊卽謂補
篁村又西半里許當日偕兄弟娑拖宋梅下其逸致何讓
孤山處士今尋壑耕客兩先生後雖寥落然學者必並稱
三李則文章之不朽一也今敬堂先生曾令湖北以不能
迎合上官意罷歸杜門著書不與外事惟日以通經有用
之學訓後輩故吾里稱詩禮之家必首李氏諸子弟衣冠

樸茂立言必有根據識者不問而知爲秋錦先生後人則其流澤爲何如邪庚戌冬因捐資建三李祠於天香精舍以先人憩息之地魂魄依戀且花農先生曾欲建祠於此而未果至是始慰先志凡剔苔發石培壅宋梅俱一手經理不勌幾忘其爲八十老翁也蟠爲同里後輩又何足以掄揚萬一獨是私心所歎慕者清門文采世濟其美縣縣翼翼髣髴有宋三蘇氏所謂畢萬之後必大者其秋錦先生之謂與

方薰繪寒香小築圖題後詩曾訪葭灣問水村鄉賢祠並宋梅尊友于樂自文章著堂構遺看華萼存七葉家風傳

舊業百年喬木羨清門寒香樹古成嘉實調鼎他時屬子孫

錢昌齡詩昭代詩人盛梅里清門文采百年來六峯樓閣舊相望三李祠堂今又開老樹屈蟠忘歲月新枝低亞插莓苔何時畫裏尋幽勝挹得寒泉薦一盃

趙懷玉詩少讀秋錦集長過天香菴菴爲三李祠清芬與梅參是時值冬令寒葩尙微含同游二三子方金盞朋簪鄖縣旣解組時亦從深譚死生遽契闊墓草長纈纈翳孑老且病塊然獨懷慚文孫今克家經籍方沈酣示我一尺畫幽居儼重探明德有達人斯理吾能諳所傷故交盡鸞

鶴俱先驂展卷憶舊事悲風生戶南

陳鴻壽詩海內稱三李徵君望最華高名齊竹垞孤託寄
梅花村補篁千个湖平水一漉寒香畱小築清影幾枝斜
苦抱楹書讀文孫絕世才詒經重槐市射策上金臺風
雨新詩卷江湖舊酒杯蘆溝一行雁又見片帆開

曹言純詩梅花谿上花堂戶宋梅猶是宋時樹百年以來
故老無至今誰作春風主風流文采未磨盡舊屋三楹改
祠宇不俟配食水仙王秋菊寒泉借風雨樗盦畫史爲補
圖苔枝玉蕊生媚嫵飄飄醉魂喚醒來我欲相從醉清醑
童時記識天香菴菴前更有新桐乳自笑無成三十年君

家兄弟鳳毛羽詩書滿簾半手澤鉛槧堆牀勝腰組正如
畫裏古冰霜嫣然桃李難參伍畫梅好手亦無數覺範花
光不可覩還君此圖伴香火此老墓門又宿土

丁子復詩天香菴裏老梅樹開向春風五百年卻與君家
架祠屋谿毛歲歲薦寒泉 若論著述吾鄉事接續還推
敬老人須屬文孫添栗主從教配食共千春

馬錦詩飛英如雪點庭蕪酒當寒泉薦一壺鼎足名高二
百載花身玉立十三株屋頭香韻冰霜出門內春光棣萼
俱世業青箱傳不替清芬遠播小長蘆

馮氏宗祠在里東斷橋南卽馮園故址嘉慶四年左都御史

馮光熊建

里東有馮園卽朱氏十畝之間後馮氏奩贈於李氏李氏復歸於總憲公將改築祠屋爲娛老之處總憲長子克鞏承父命重爲葺治攜燕市松化石置於庭前栽花疊石頗具勝觀總憲手書祠聯云退老明農幸延新歲月歸根落葉認取舊池塘又聯云老樹依然池草還應入夢故園無恙釣游曾侍先人懸於堂中總憲卒於位不得歸享林泉之樂克鞏後宰粵東鶴山亦歿於任所近爲總憲兄子通州刺史馨復重新之

天香錄

張氏宗祠在里東花園橋北嘉慶十四年上舍張烈等建卽

文蔚堂舊址

李富孫張氏宗祠記古者別子爲祖繼別爲宗蓋卿大夫之支子或有自他國來者俱謂之別子其義通於士庶人皆得爲宗而宗必有祠自始祖而下至於祖禰序世系辨昭穆春秋享祀所以盡報本追遠之意饋奠旣畢且以飲食之禮親宗族兄弟獻酬交錯備言燕私此先王教民親睦而敬宗收族之誼寓焉里中張氏其先籍金陵明嘉靖間有明經月巖司教睦州之分水卒葬於禾遂家郡城雙節坊是爲始遷之祖再傳爲候補同知紹巖於萬厯間避倭寇復徙居梅里卜宅於谿南花源橋之北背市面野屋

宇閤敞流水環繞於前旁有隙地數畝桑麻蒼翳煙景熹
微頗有林泉幽致至孫上舍公亮以所居偏隘復於中間
創堂三楹上爲樓左右各翼以廂房名其堂曰文蔚康熙
乙卯歲上舍年五十爲母蔣孺人七十壽庭前忽產丹芝
兩莖輝映階除間觀者咸以爲瑞一時名流如俞右吉屠
昭仲徐演谿查聲山諸先生皆賦詩祝嘏以誌異至今傳
爲盛事三傳至處士孔目啟周昆季家業漸落亦俱無子
卽以嫡兄上舍雅君子鳴佩運庭分嗣鳴佩兄弟旣仍居
舊宅斯堂闕寂無人日久傾圯重念先人創造之遺慮其
將變爲墟因與從叔蔗園伯氏鏡輪猶子夔音余安共議

爲宗祠於嘉慶己巳庀材鳩工諏日葺治堂之前增屋三楹以爲蒞事之所改顏堂曰述德設神龕奉始祖以下栗主樓之中奉各支祖以下栗主歲時致祭具牲醴薦馨香長幼展拜於庭誠禮之宜也東西有書齋疊石蒔花爲暇豫憩息之處牆之外爲六世祖塋松柏蒼然蓊鬱與庭院之竹木葩卉高下相映秀陰晦靄翠色紛敷遠望硤石紫微諸山隱隱在林表越三年而工竣凡棖桷構櫨栭廡欄檻以及垣牆階阼之屬壞者易之汚者暗者則望之髹之靡弗巍奐一新計各捐錢若干緡落成之日莫不歎鳴佩諸君之賢於以妥先靈而緜世澤俾舊基不至侈廢而報

本追遠敬宗收族之誼胥於是乎在且聞先世皆有令德
敦本重義將見子姓之昌大正未有艾詩曰無念爾祖述
修厥德誠以無忘祖宗之德即可求多福而詒孫子是則
里之人宜何如興起而共思敬祖合族之道以期合乎古
先王教民之遺意與

校經高
又案

俞汝言夏日雙芝產庭詩仙桃如斗棗如瓜未若雙芝色
似赧共說商顏歌頌好不將嵩少畫圖誇秋山孺子尋黃
石春日麻姑撒絳紗贏得綵衣長拂地高堂迭舞進流霞
屠焯雙芝詩紫氣盈庭遠近看雙芝此日秀層巒桃花懸
幔方畱彩菊水流觴正助餐綺里不勞尋上洛羅含豈復

相見元卷三
二
羨叢蘭思萼自有安東築爲報春陽轉歲寒

徐在雙芝詩北平算厯宴清池綺席香開金屈卮讀易不
離堂上母添籌深慰康前兒書來仙鳥稱雙壽石坐瓊田
架兩枝赤箭紫藤非易得只傳天寶獻靈芝

朱願爲芝草詩聞道西隣隱薜蘿紫芝灼灼滿庭阿煙浮
席上幽香遠瑞靄階前秀色多元圃遙分仙客種商山重
續綺園歌綵衣同獻高堂壽珍重祥生孝友和

陸輅紫芝詩七旬老母承歡日五色斑衣試剪裁端爲瑤
臺雙進酒玉階並獻紫芝來

屠遠雙芝歌紫芝之光何皦皦雙莖一夕生相接上有祥

雲蔭幾重下見瑞氣盈眉曉仙人聞之離崑崙左挈安期
右羨門青虬驤駕赤螭服亭亭軒舉來南村南村英少與
耆老共道張氏雙芝好令子方當艾髮年更有高堂稱壽
考爲看竦坂秀庭前繽紛車馬客歡聞大棗仙梨酌大斗
人共雙芝到處傳

張氏宗祠在市北棧頭上卽金緄修蓉故宅嘉慶十八年上
舍張江等建饒有花木竹石之勝

節孝祠在里西古南禪院大殿東側嘉慶十二年里人孝廉
方正李穀上舍張世像等建太守李公庚芸邑侯趙公徽親
致祭焉巡撫儀徵阮公元給苦節可貞額補續今遭亂已燬

李廣芸梅里新建節孝祠碑 國家明禮教崇節義自通都大邑迄夫窮陬僻澁凡貞孝節烈之婦咸得上其事於朝資金建坊以垂不朽其歿者祀木主於節孝之祠春秋俎豆有司奉行所以勸勵風俗者甚備誠千古之盛典也嘉興之爲郡其文物聲明冠於浙東西而婦人女子亦多能通知大義往往守從一而終之義故七邑之以節孝請旌者歲不下數十人然而單門寒族無寸田尺宅之產不幸矢其所天猶能茹荼飲藥撫藐孤待遺腹以延其宗祀者此其操之堅志之痛尤易所謂苦節之貞而子孫式微不得一邀旌典者又不知其凡幾此其人良可憫

也梅里隸嘉興縣境去郡城三舍而遙其里多君子士風
尤厚暇日李徵君穀張上舍世儔謀於里之賢者以節孝
之婦綦多不能槩祀於郡之祠爰於其里古南禪院之東
偏卽圯屋而新之葺爲堂三楹舉里中已旌之主妥於
其中未旌之主附於楹東貞烈之主附於楹西又舉見
存節婦之姓氏書而懸之西夾其前堂三楹以爲蒞事之
所每歲春秋二仲月行祀事以校官主其祭守若令暇或
親詣焉於以發幽光式下里助朝廷之教化諸君子之
用心良厚矣書有之表厥宅里樹之風聲梅里節孝祠之
建此物此志與徵君之從子孝廉超孫不佞分校所取士

也以其事來諗并丐記焉不佞作而言曰此諸君子之賢亦守土者之所樂聞也遂書其事而俾鐫之石是役也襄事者李茂才鏗明經富孫遇孫上舍壽昌張上舍湘之棟士幹仲上舍泰得附識焉錢塘梁學士同書書丹

清芬祠在里東梅谿禪院大殿後楹道光元年里人金應士孫馮吉士登府建祀里中詩人之無後者署郡守李公宗傳題清風盛藻額并書續補今移設崇始祠西楹

李富孫清芬祠記明萬厯間先博士霽巖公以詩名海內皇甫子循謂與獻吉于鱗相鼎峙實開樵李詩派之始王國初王介人邁人朱竹垞周簪谷沈山子諸先生暨先

徵士秋錦公兄弟並時繼起婣雅閎通相與結吟社徃來
酬倡無虛日縱橫馳驟各以所著名其家詩篇之傳流播
遠邇於時稱爲極盛自是以後胚胎濡染溯淵源而擅騷
壇者接踵不絕則往日之流風餘韻猶未泯也獨是百餘
年來故家之子姓半已凋落或一再傳而絕或三四傳而
絕問其舊宅而荒煙蔓草旣變而爲墟矣訪其邱壠而野
棘叢菅已無復宰木矣魂魄何棲蒸嘗無日青燐碧血長
悲嘯於淒風冷雨之秋每與二三人言論及此輒不禁歎
歎者久之辛巳秋馮柳東吉士金香谷處士深慨先哲之
工詩而無後者遂與同志於里東梅谿禪院大殿後檻設

一龕奉二十五人栗主以祀之一燈之佛火熒然六時之炷香不斷檻外有修竹數竿梅花幾樹可與共保歲寒而晨鐘晚唄漁唱樵歌時時應會於遠近間諸先哲之神靈亦未始不有戀乎此也吉士因顏其祠曰清芬里之人皆賦詠其事而屬余作文記之蓋禮有祭因國之在其地而無主後者而庭堅之不祀若教之餒而自古歎之誠以俊傑瓌異之才死而爲鬼其精爽常凝聚而不散而不得食於子孫雖亦運數適然而泉壤之慘悽痛恨有歷久而不能抒者今荆是祠至春秋展祭猶可想當日之裙屐風流共處於一室也襟懷蕭散共賡和於一時也且後先相望

而弄月吟風得揖遜進退於其間也則雖家無魚菽之奉
墓無麥飯之供而琳宇清幽剝幡掩映茱漿可以奠谿毛
可以薦吾知百世下相傳不替亦足以永其馨香焉已於
是誌其歲月并附書姓氏於左

布衣王介人翹

布衣范遵甫路

處士繆天自永謀

宜春縣令郭龍威哀采

文學顧文玉玘徵

布衣周青士簣

文學沈山子進

處士屠昭仲焯

永康縣司訓王泰楷俠

上舍周林筵簞

處士周弇山簠

文學顧咸三仲清

明經沈寅中翼

文學徐元仲懷仁

上舍戴坤釜錡

文學李迂仙岱

上舍朱王路翰宣

文學李明揚炎

上舍鄭萼樓聯

文學郭一鳴鶴

處士郭友桐鳳

處士薛魯齋廷文

處士鍾玉鉉鼎

文學周潛谿槐卿

文學朱爾安賢

附處士金蘭友蓀

續崇始祠在蔣灣道光二十九年縣令朱緒曾建祀吳越鎮

遏使工部尚書王公達於中四忠妥於東楹清芬妥於西楹

中懸功開梅里額

邑侯朱緒曾題

東懸成仁取義額

郡守覺羅常恩題

西懸

清風盛藻額

郡守李宗傳題舊額也

邑侯上元朱緒曾新建崇始四忠清芬三祠記道光戊申

余自海昌移宰嘉禾邑有梅會里一稱王店始闢於石晉

至明中葉而漸盛遂成巨鎮俗尚樸茂人皆禮讓其掇科

第而仕宦者皆有政績志節聞於時焉次年春余因事至

其地景慕往哲訪朱太史曝書之亭竹垞半廢臨觴將傾

急議重修之里人因告余曰昔太史欲祀殉難諸公擬建

三忠祠而未果余識之并銳意興舉是夏邑值大水田廬
泊沒籌辦撫賑且不暇事幾中輟至秋乃梅里有天鰲成
廟之異救活者衆咸謂太史佑我也先里之富紳樂輸賑
錢五萬緡好義之士復捐資以修曝書亭建三忠祠將工
作而代賑濟恭敬桑梓者亦皆謂有一舉兩得之宜遂始
於己酉夏成於庚戌秋亭舫式煥祠宇亦巍然矣太守錫
堂常公偕余親至以觀落成並致祭三忠祠余易以四忠
者祀明貴陽郡丞贈光祿寺卿王公允昌甯海同知贈尚
寶寺司丞李公士標揚州府訓導李公自明復增明兵科
給事中 國朝賜謚節愍李公毓新此四忠者皆梅會里

人也忠義之氣皦日麗天其光華無所不被躔次必有所舍梅里之祀四忠乃其暘谷咸池之所出浴景仰有獨至焉王店鎮始自吳越鎮遏使工部尚書王公達光祿寶其苗裔余命首祀以報本題曰崇始東楹祀四忠西楹祀清芬清芬祠祀里中詩人之無後者向在梅溪禪院今多傾圯爰移萃栗主於此地是役也里人曹珠淵徐林衡沈愛蓮王福祥實司其事皆能成太史之志者也余瓜代有期行將去此不可無文以垂後爰叙述之而爲之記時道光三十年歲次上遼關茂陽月旣望

朱竹垞太史祠在曝書亭側同治五年吏部侍郎泰興吳文

宗存義視學浙江時創建並置田產四十二畝有零爲歲修祭祀之費

嘉興府許瑤光朱竹垞太史祠堂記國初兩浙人文嘉興最盛陸清獻隸平湖張楊園隸桐鄉皆以理學名儒著至經藉考據詞章之學則推朱竹垞太史籍隸秀水而曝書亭在嘉興縣南之梅會里咸豐十年夏嘉郡陷先賢名宦祠墓多被燬越五年閩浙總督恪靖伯左旣平浙旋赴閩勦餘匪將行命修張楊園墓於壚鎮已而方伯楊又修清獻墓於泖口并修其祠宇之在縣城者表揚先進楷模後學意均厚也同治四年吏部侍郎秦興吳和甫督學按試

至郡訪清獻遺裔升之秀士五年五月復按臨事竣命小舟往訪竹垞太史宅至梅里其裔孫迎於道導入村則北垞已頽廢而南垞之曝書亭藤花館暨醞舫均完好無兵燹痕督學欣然喜命觴於醞舫酒次言曰近世士人習日趨浮薄修身立行難企前哲矣卽殫見洽聞根抵深濬如竹垞前輩之研經博物邀獎於仁廟者亦不可一見

盍於亭側爲建祠宇庶邦人知所景仰而經學得以復振乎瑤謹誌之不敢忘已而督學出廉銀以倡捐諸同人各有貲助遂置田建祠以今年三月告成因爲文以記之瑤惟伊川之言曰古之學者一今之學者三似謂文章訓詁

無與於儒者矣似謂古有儒者之學而不分文章訓詁矣然聖門四科德行言語政事之後列文學似古亦未嘗不分也蓋分者天質之有所偏近而其裁成以歸大道斯時有聖人耳且言學莫先於說命而一則曰人求多聞再則曰學於古訓今欲舍文章訓詁而空求所謂儒者之學其又奚所憑藉哉孔門立教之法篤志始於博約禮亦始於博矣竹垞太史之博雖未必當於伊川儒者之言然以視說命之多聞論語之文學蓋庶幾焉崇之而爲建祠其誰曰不宜瑤又考竹垞太史作曝書亭詩以庾信小園自況

原詩須知庾信園雖小詩賦江關獨易傳

儼然千秋可券矣乃春日南垞雜詩

又云不知何人更結草堂

原詩不知黛色成陰似又難必
曰此地何人結草堂

其亭館之能永久以至於今也王摩詰唐之高曠士也新家孟城尚不免作來者爲誰之想然則古賢豪遺跡其能傳不能傳當其生前殆在將信將疑間矣顧人果能自樹立敏於好學確有所成就其流風餘韻自克垂耀數世而使仰慕者愛惜而庇護之如曝書亭之跡迄今幾數百年矣儀徵阮文達修之於前上元朱述之修之於後茲於亭側又建祠宇是其不與風雨俱就磨滅者實賴有可傳者在也讀書有志之志固可不自勉哉同治六年歲次丁卯

孟夏月

忠義祠祀嘉興縣縣丞瞿公綬章及同時殉難諸紳民祠議建而未果光緒元年秋因先設栗主於崇始祠左楹歲時致祭

余林梅里殉難錄嘉興縣丞瞿君綬章傳瞿綬章字潤甫江蘇婁縣人由監生捐雜職官浙有年以廉能稱咸豐九年八月授嘉興縣丞分防駐里君性寬厚得士民心兼擅醫術民病多所診治貧者給以藥活人頗衆十年四月二十六日賊自蘇州犯嘉興郡城有司皆走君會紳士勸辦團練芻糧器械籌布井井月需餉萬餘緡指畫無缺並稟請巡撫王有齡札發鎗礮火藥數十里內鄉民咸感泣以

助隣近硤石等鎮亦集團聯絡爲犄角聲勢頗壯賊踞城後惟在里之東北鄉焚掠五月二日始乘船由長水塘來犯里民憤甚率衆逆擊施烏鎗擊斃黃衣賊目一人獲賊二人餘衆喪膽遁去時賊自郡城南來多水道汗漫難守人素荏弱賴君激勵衆志以固提督張玉良嘗飛書約期會勦張帥攻西北門民團攻東南門賊益畏懼城閉不敢啟惟時驅老幼病民以出君招止里之古南寺撫而安之自是各村鎮賴以晏如先後俘獲數十賊悉解張營不自以爲功七月二十一日張帥師敗退守省城賊復猖獗衆心惶惑君觸熱往來奔走曉以大義不憚勞瘁相持至二

十九日賊傾巢至大隊賊船由北塘口進自己至午力戰不退或從桑樹中出而縱火衆見烟焰四起遂潰君振臂奮呼無援應者頸被三創遽仆地賊度已死舍去團勇救昇歸署乃大呼曰我心猶未死也意將收合再舉八月六日賊撲硤石回里復肆焚掠君知事不可爲遂匍匐至漾葭灣自沈死死前數日語其子富藻曰吾必殉國難婦女輩亦無生理爾速去某處以存一脉富藻依依不忍君泣而揮之始去子婦浦氏攜女孫一同投水死別有傳里人皆藁葬之逾年始具棺殮君尸體不腐道旁致祭皆感歎墮涕云事聞 賜卹如例浙江忠義錄有傳

按傳載孫一女孫一俱被

戕誤孫在浦氏母腹
溺於河始分婉焉

梅里志卷第六

里人楊謙纂 李富孫補輯 余林續補

李保宸參校

園亭

補鎮僅三里許自前明以來士大夫往往構園亭以爲宴息之所而文人逸士亦多有之今雖湮廢過半而考其遺蹟亦可想藍田輞口之勝云

花園在里東市後元學士王景築今廢園傍之橋尙名花園在我園在四十二間廊後花堰橋之北前明李曙巖築疊石爲山稍溝爲池亭臺花木一時稱極盛焉 國初爲吳給諫

準菴別業名惟小園後歸李制府遜麓今廢淮三巨石林立
桑柘中俗稱一佛二菩薩補一稱美人峯乾隆四十八年邑令金某移置煙雨樓凝碧閣前
其餘小石盡爲海鹽張氏涉園取去

〔補〕在我山園在斜港北太平橋之西明國子助教李曙巖
所闢當時號爲名園今廢久矣俗猶稱其處花園頭有三
太湖石筍尙存皴瘦玲瓏目所罕覩一峯高丈五六下者
並高丈許鄉人目爲一佛二菩薩云王初有題天目松詞
引云里之北有李曙巖園居累石爲山洞盤地底樹天目
松于上高不盈丈羣枝平布諸峯向之若相授受而終不
可得者吳門范長白曾圖之春風錄

王庭同吳伯載徐石弦曹幼青李石友過看在我山園詩
二首短徑竹修修客來亭上秋披襟藉疏豁有地得遲留
晝靜鳥雙宿雨寒花獨愁石橋深樹影又見夕陽流相
逢仍九日於此舉登高石洞尋仙蛻松巢騰鶴毛花開慚
送酒坐久憶趙饒客有將歸賦何人會續騷

補又詠一佛二菩薩詩名園不礙客躋攀乘興能來任往
還十畝垂陰新種樹千年立石老爲山秋生積水雲衣起
晝冷虛房鳥夢閒一自春游人寂寞苔痕滿徑幾回斑
王翊過李曙巖先生園有感調寄西江月詞幾夜西園明
月梅花落夢無踪方潭綠厚不知空石色於中浮動庭下

木將爲客林間鳥亦呼公平泉人去隔春風今日驢鳴何

用槐堂詞

空鏡吳子準菴邀過惟小園詩積雨春陰滯展游良園泣
止興偏浮朝來邀我登樓去佳處同君竟日畱檻外鶯花
隨斷續望中煙靄自綢繆二三話舊真堪樂況復賓筵甘

麕投

襲紫樓集

吳源起辛丑冬還梅谿別業詩風日從吾好園林興不怠
花繁應更剪竹密自成行掃徑從移榻開軒待舉觴晚來
逢客至別久話須長

繆泳準菴表兄園亭作飛閣臨清渚浮空轉石欄煙村茂

宿霧漁舍接驚湍水淨芙蓉落牆深薜荔寒夕陽半明滅

回首出林端

若谿集

李良年夢園族祖約過吳西山園齋看早梅示諸同游詩

約伴探香雪新晴未肯閑籍咸猶竹底主客換花間

問九昔爲

吾從高會別業

穉蝶窺紅萼珍禽坐玉顏童年攀折處疎影認殘

山

秋鴻山房集

繆綬武梅里踏青詞百花潭北幼曾居修竹疏林畫不如

漾漾春波寒日近村童摸取菜花魚

藿園在徽州場後李博士應徵築後歸王方伯言遠子覺菴添設十錦塘諸勝尋改爲菴李嵯使嶧山廢菴爲園里人仍

稱王園云

李氏園廢爲僧舍園中古松猶存

雷素堂集

藿園舊宅有海棠一株最盛樹下可布數席

香草居集

釋通門過李子晚令藿園看牡丹紀興二首爰有園中約
因成野外游名花春盡見孤策晚來投側笑能畱客先開
解起樓葉叢香不淺坐賞一庭幽 午日憑移影春雲爲
作陰養花天氣好銜草燕巢深奇種宜分土香風忽透襟
洛陽當此候魏紫重相尋

徐在王覺菴園亭詩幽徑少塵事雙扉晝不開傳燈公子
在擊磬老僧來茶沸疏風入花香細雨殘園亭聞落葉

自掃莓苔

演谿詩

褚子巡過王覺菴園亭詩名園臨曲水樓閣徑邊通釣挂
珊瑚月簾開翡翠風魚翻池漱澹山疊石瓊龍靜者焚香
坐憑軒賦草蟲

聽玉樓詩草

薛廷文王園詩王家園子李家亭園外年年草色青散盡
綺霞歌管歇碧桃無主自凋零

秋亭在里東鄭公延字子康號雲渡所築以儒販釋法名恒
恬焚修其中後改僧居今廢

沈進東谿草堂晚過詩小序草堂是舅氏子康別業名秋
亭今僧居已三十年矣

補秋亭鄭雲渡棲隱處明興國令士奇長子鼎革後以儒

暇釋名恬字

結廬村南并曰秋亭焚修其中居然老頭陀

也後作僧居今不知其處

春風錄

顧圯徵和子康秋亭吟遠山曲磴帶孤亭佛火熹微照碧

櫺石上松風谿上雨時時秋籟坐來聽落落乾坤一草

亭最宜秋色入疏櫺景如宋玉悲時賦聲似歐陽靜夜聽

槿作藩籬茅作亭木魚石磬對虛櫺禪心一片如秋淡

何必秋聲枕上聽

讀書臺詩集

鄭士奇和大兒公徵秋亭詩草亭卻近古茅亭一片秋光

今止櫺最喜潺湲門外響廣長舌向靜中聽漫說遁仙

放鶴亭梅花如雪映疏櫺秋亭自有蓮花漏十二時中任

細聽

青城先生詩

朱一是秋亭詩遠依林壑結秋亭老眼茫茫見獨醒苦向
紅塵招失路喜從白社聽譚經芝蘭秋到華堂馥松柏霜
雪晚歲青谷口逃名原是鄭千秋常照少微星

爲可堂集

褚醇秋亭詩土積蓬編一小亭縈迴漣水映疏櫺月明漏
永梵音散幾度秋聲靜裏聽 沈寥天際建孤亭窗外紛

披草拂櫺闌到六三同異處霏霏元緒共誰聽

褚子編言

釋通門題秋亭詩天地分明一旅亭何須紅紫闌窗櫺淡

然宴坐秋光裏木落西風眼自聽

懶齋別集

尼行剛和鄭雲渡秋亭吟大地渾然一草亭煙雲晨夕繞

為櫺松龕石壁無餘響秋色空青誰解聽祇園語錄

梅墅在谿南又名南園順治間王上舍復旦別業中有南陔

亭後歸李太守宗渭乾隆乙亥桐鄉朱職方履端構為園居

未幾李上舍原得之中有延青閣聽月廊藕谿草堂涼舫玉

蘭徑見山亭梅花嶺桂屏片雲虛舟息機處鏡香樓知樂亭

諸景補今多傾圯

釋通門王叟正區園兩度看梅記鴨李無高山深谿白竹

湖以南之硤石山凡二舍惟谿水依然遠流無幾長水塘

塘半有鎮曰梅里居民比櫺物產盛遠古為會稽西多十

秀起王翁之園介於谿東陽接平曠北背閭市居然幽勝
池不數畝賸有女桑幾株他植甚少惟竹與梅相映蔽竹
色蕭疏臨流四時曳翠梅獨至春而妍紅白間錯幽香時
時襲人余凡兩度過之從翁招也近翁又構亭於中可登
高望遠可長嘯閉吟於時春光融融飛英如霰凡坐花下
者無不與花合也尙記客春同余游者數人李子武曾先
至周子青士後至始而看梅於園已而觀燈於市極竟日
之娛茲來余輩無恙從我者如昨而李子以謀菽水後至
周子以居母憂不至遂不得與論大道此人事之不齊嗚
呼梅亦知此乎

懶齋詩集

周簣後游王氏園亭記王子星紉公來有別業在居南爲其親正區晚節游息地叢梅數十樹桃李榆柳環植之有渠焉泓然而澄有竹焉鬱然而深林薄之外谿流遶之若

襟帶焉

采山堂集

林埜王星紉園亭記今丙午春復構小亭臨池上戶南北向東西列牖方廣約數十武顧視左右則修篁掩映佳木紛披風雨晦明景物迭變

鈍齋集

周簣乙巳春日陪古南樗叟觀梅於王子復旦南園時同游者爲葵西堂瑋首座筱靜主李十九良年及余第篁也樗叟首倡簣等皆屬和焉別業幽閑地良辰眺賞來蘭舟

隨岸轉蓬戶倚流開竹裏琴絲靜花前茗椀堆入林重泥
臂嵒阮定無猜

徐在訪三星糺梅墅詩朝飄細雨晚來晴春色應教信以
行漫挂魚釣新蕉笠愛聽園子早鶯聲松陰別墅疑無路
藥草寒花未辨名肯借一廬棲託隱抱琴閒坐了餘生

谿谿

詩

釋心印陪懸崖和尚登梅墅小閣詩當年船子老江灘秋
色同師小閣看木落足供煨芋火谿清好放釣魚竿穀登
南畝恣農飽樵在他山伐木寒此外更尋棲逸處過西只
有一觀瀾

觀樹
草

李良年庚清二觀皆山集梅墅贈星紉詩棕亭已壓小
偏別補茅齋只數椽山水之間更絲竹桑麻以外有人烟
借君廡下攜書帙約我花時掉酒船送客畱髡定何意打

窗秋雨合高眠

秋錦山房集

又約諸同好攜臥具至梅墅看月詩枕簟且須設蕭齋結
荻新樹疏秋有色雲走月無隣習靜宜花圃能閒屬酒人
放歌蛩語外今夜對牀真

同上

又坐星紉梅墅分虎出酒饌詩秋花如好女入戶見傾國
主閨小童清洗杯就佳石故人手種樹衰興我眼慙自從
白也行應無愈之蹟江水方怒飛難以杯

與韻子

隣匿影不敢出有弟擎紅缸鋤瓜平陰
語諱二十但隨田父飲笑謝官長揖爲
詩客疏畦阿段解菜把青一色酒盡且
弗言
琴已在膝
同上

李符梅墅小飲詩梅墅桂始花宛在衆香國花下會羣英
早釀酒一石性耽林壑趣昨夜夢曾歷日暮月在天浮雲
歛無蹟素影落寒潭上下光闢敵沈醉偕良友暫緩饑驅
出況逢秋正中花月兩相值算到月缺時良宵尙有十誰
斫月中樹舉手如可揖清暉照几筵與月互主客更欲禱
天公遲作陰雨色合捐廢蘭缸長吟搖我膝

香草
居詩

又再宿梅墅約游虎邱不果疊韻姑蘇與樵李曩時本一
國朝發而夕至可坐生公石鶴市采香涇擬挈酒瓢歷斯
游約未成躑躅故林蹟賴有王家園種竹子猷敵主情久
無倦蘭肴花底出橋東索隣翁叩戶倒屣值謂皆山丈牽袖月
中行跬步祇踰十俗眼邈布衣抗手誰我揖書云詩言志
罵世非雅客平昔誇然諾簞食見於色汝曹非吾友何可

與促膝

同上

又同秋錦兄宿星紉梅墅時與諸子約游武林未果詩梅
根苔磴坐頻遷研匣何曾離酒邊記與隣莊詩叟約共攜
秋水洞庭船追思行路長經此約到良游便不然一串迎

春橋外月對牀今夜夢相牽

同上

王鴻宇和嚴銘書南園探梅韻詩我家別墅舊相沿過客

追尋曲徑穿眼見梅花三易主無聊對爾一年年

蕉園詩鈔

金德輿南園探梅歌濃寒漸退消殘雪怪煞東風太無力

漠漠重陰撥不開南枝何處傳消息春光昨夜過園林

屐招游喜再尋千竿修竹尋常見一徑疏香暗自侵暗香

修竹憑誰領冷落芳魂怨難訴姑射神人冰雪清羅浮仙

子霓裳素看花原是舊時人榮悴無端歲月論詩句空聞

說丁卯

許牧堂有十載名園三易主看花原是舊時人句

廢興猶自記庚辰憶昔

歸田俯仰適經營小圃稱奇絕結構亭臺雅不羣料量竹

石羅新格聞道東皇使乍來平頭取次報花開按歌好挾
茱萸女接席輕翻鸚鵡杯清光冉冉明星爛歌舞休停夜
方半但使金尊酒不空檐前那管花零亂瞥眼繁華不掉
頭愁紅慘綠幾春秋朝來樂府新翻就早向蓬山隊裏游
從此名園事非故年年芳草臨歧路到眼猶看舊月花傷
心已作他人樹鳥語周遮靜掩門橫斜瘦影弄黃昏蹁躚
望斷孤山鶴縹緲難招處士魂我來卻值花將吐清酒空
酌一坏土東閣徒慚水部風西林還倩廣平賦幾回經過
倍淒然玉骨冰肌自在妍翠羽翻來疑舞扇蕊珠初墮認
芳鈿從知好事難長久綴出繁英成老醜第宅知他主幾

更登臨應嘆我非偶君不見燕子飛來王謝堂石家金谷
已蒼茫當時若遣移殘隴地下吟魂尙占香

古木蘭
花閣臺

尋壑在市後補篁村李繩遠築宛平孫侍郎承澤書額中有
屬雲閣王穉登書額又有秀攬亭後歸李岱改稱尋樂今廢
門外隔谿正對喬松一株矯然特立慧華僧舍之後圃也

尋壑
外言

補篁村在市北三里石佛彌陀兩菴之間與天香精舍相

近草堂數楹桑圃十畝小樓低榭依水爲廬叢竹雜樹花

葉映發鐘魚梵唄之聲晨夕相續

天香
錄

李良年題伯兄尋壑小閣詩天風靜掃薜蘿陰琴几書牀

小閣深久別清谿還舊色早歸好鳥有閒音梅花高下宜
三百竹翠蕭疏到十尋末俗雖輕林壑趣正須共保歲寒

心秋錦山房集

繆綏武詩補黃村北路欹斜雪後春流拍淺沙笑釀酒錢
拖竹杖香林吟賞宋梅花

竹垞在里南荷花池上朱太史彝尊築因以自號孫侍郎承
澤書額海陵曹岳作圖有堂曰潛采堂之西南曰醒舫金陵
鄭簠書額東有靜志居六峯閣娛老軒後結亭於池南曰暴
書有芟池芋陂桐階同心蘭砌青桂巖槐泚繡鳴灘釣船坊
落帆步諸景今亭已圯惟亭前松樹一株特立桑柘中乾隆

四十七年六月爲大風摧折補嘉慶元年學使儀徵阮公元
倡捐重建暴書亭於池南亭中仍懸嚴中允繩孫所書額石
柱簡太史集杜句會須上番看成竹何處老翁來賦詩楹聯
阮公幕曩時汪方伯楫書次年亭成阮公偕守令率多士讌集賦詩以落
之公並輯題咏詩續文爲竹垞小志補道光七年秀侯呂大令延慶倡捐重修
並贖池北舊址築甌舫三楹仍懸鄭簠分書額三十年邑侯
朱明府緒曾因墻垣俱壞亭舫半傾又葺而新之同治五年
學使吳侍郎存義復於亭南隙地增建祠宇以御賜研經
博物額懸於上並摹戴笠小像勒石立於祠中

補太史初定竹垞十二景復定市南二十景又有桂之樹

軒梧葉程春酒庫蝴蝶局棗香書屋擁書樓杏花春雨山
房南洄北洄茶煙閣煮茶聽雪之亭木筆龕橙子岡菊塍

諸景

竹垞
小志

朱彝尊題竹垞壁詩買斷竹垞將四載園林新笋未經嘗
今來散帙時初夏忽見抽梢喜欲狂背市有人酤濁酒南
隣許我借匡牀江村臥穩真堪樂愁說煙雲射獵場

暴書
亭集

又戲題竹垞壁風中柳詞有竹千竿寧使食時無肉也不
須更移珍木北垞也竹南垞也竹護吾廬幾叢寒玉晚來
月上對影描他橫幅賦新詞竹山竹屋鄂筒一束笋簍三
伏竹夫人醉鄉同宿

同上

譚吉璫和鴛鴦湖權歌竹垞聽說梅谿上遶屋修篁萬箇
餘何日結隣樓傍舍然糠同照夜深書

朱譚倡
和合刻

朱彝尊醜舫箴吾齋之中有客萃止能飲飲之不能者已
弈屏楸枰博捐盧雉豈無樂方令以經史賓有端言主無
苛禮罔稱人惡罔諛人喜第話桑麻勿論朝市勿涵勿沈

景哉君子

暴書
亭集

又懷鄉口號詩醜舫西偏盡竹梧紫微山石儘教鋪兒童
鄉里堪娛日不用千金買佛奴

同上

朱琪醜舫看竹詩垞北垞南竹滿林短牆繞屋見清陰昔
年夏日消閑地猶記親書醜舫箴

先生嘗手書
醜舫箴見贈

齋名舊

日曾題句梧竹西偏人共知今歲上番看漸少秋風應種

小春時

東谿詩草

郭徵題桐階詩百尺瑯枝架屋陰放懷歸作舊巢吟桐花
小鳳調紅嘴啄徧香苞撲滿襟

又題同心蘭砌詩駢枝合朶錦心并萬萬蘭中見此莖這
是僊苗無覓處謝家庭砌偶然生

朱昆田戊寅六月盆蘭忽放同心並蒂二花各賦一律索
同人和一雙玉女關嬋娟素質亭亭看比肩蝴蝶捉團停
葉底蜻蜓相戴立風前宵幃共結鴛鴦帶曉鏡齊拈翡翠
鈿好與吳娘新鬢樣不須依舊學秋蟬

右同

弱幹同心

已足誇又看並蒂發瓊葩
冰妃共踏承雲襪
神女爭勻靨
臉霞丹竈紅休憐
一綫珠江碧漫詫
雙了惟應插上麻姑

髻絕勝仙家綠玉花

右並蒂

戴公鋤和詩素葩開處不尋常
一對偏宜喚女郎
梳得雙了雲作髻勝它六幅錦
爲裳吳山未羨岐生好
丹竈須憐並蒂芳
花譜寒梅秋菊外
應添香草亦鴛鴦

右並蒂

梔子

誰誇花八出同心似爾我
關情只言澤畔孤根托
卻訝枝頭嫩蕊并看去
芳顏如碧玉猜來小字是
雙成品題別作

幽蘭曲譜入相思
弦裏聲心

右同心

陸奎勲和詩潘紫施黃態
未殊漳蘭新樣苗
紗蛺蝶成八

瓣花明玉吸上雙心露迸珠添種畱夸情便減微吟梔子

韻還輸膽瓶折供清無匹只放滕王蛺蝶俱

右同

雙頭

茜苞乍填詞並蒂蘭抽又索詩露滴小毫添畫譜根移纖
手勝花雨魂消別浦迴眸處夢破寒衾擁背時趁取葵缸

開本是好分一翦寄相思

右並
蒂

戴鏤和詩傳來好種自潘家葉底翻新發異葩露滴雙心
香暗結雲裁一朵碧交加合懽扇掩魂應斷同夢人憐夜

正除不羨唐昌觀中樹簾前眞見八仙花

玉蕊一名八
仙花右同心

珍重芳蘭翠幙遮枝頭綴處總堪誇憐吾已比孤生樹到
眼偏愁並蒂花深院對擎銀鑒落曉奩初試玉了又漫言

百葉雙桃好未許紅雲鬪碧霞

右並蒂

張費源和詩誰從空谷賞幽姿一點芳心恰並持月滿枝

頭同入夢風翻葉底肯分離醪醑繡簇輸他好豆蔻香含

遜此奇試與秋孃紐作佩畫樓銀日費相思

右同心

湘沅

移根覆赤沙駢頭異種數誰家開來宜傍鴛鴦水看去疑

呼姊妹花顧影互憐雲一碧合懽何待月初斜人間若解

幽蘭意不遣蘼蕪暗自嗟

右並蒂

郭儼青桂巖詩小山秋發桂枝叢露冷花清月半空一事

林風忒峭厲吹香故故著詩翁

朱絳桂之樹軒詩老樹發古香涼蟾照數節一夜秋風來

枝頭灑黃雪

郭徵六峯閣詩爲收景色做雲屏捲幔風微宿雨醒淡盡
秋煙吟倚閣看山最好在遙青

高裕來題秀州十六景索李韶鳴畫詩莫道江鄉似掌平
翰林閣以六峯名一宵風雨飛靈鷲近碧遙青腕底生

朱竹

垞先生有
六峯閣

郭徵槐汧詩雙株槐古蘚皮皴朱老柴荆傍水濬最是冷

淘風日好碧瓊瓏葉細於鱗

槐汧在暴
書亭之西

朱彝尊池上編籬偶成詩槐汧菱池水一窪好編六枳作
籬笆客來與乞平安竹老去思栽頃刻花農丈人惟知避

俗村夫子更懶移家試添隔岸香茅屋眼見南垞勝北垞
郭徵荷池詩暑耽疏豁拓窗紗亭上香吹水面花竹簟納
涼茶盞好碧筩吸酒也無差

朱彝尊康熙丁丑六月舍南池上紅蓮作並頭花賦綺羅

香詞蕙草連葩蘭英並蒂慣在貧家盆甕

年時蕙作同心
花今夏又開並

蒂

誰料今番雙頭水芝看涌交卮勸金叵羅深畫軸展玉

了又重笑莊窩半畝平池翻羸三十六陂種谿亭容我小
住那費桃根桃葉隔江迎送臥穩風前一任冷香吹夢愁
遮了葉底難扶描不到花心齊動除非喚薛夜來過繡成

鉞七孔

景書
亭集

又積雨詩沒盡荷花紫草田芟池新水芋陂連畏寒不獨

衰翁甚年少冬衣未拆絛

同上 芋陂芟池
在暴書亭東南

朱絳芟池詩小沼魚爭躍長林鳥自呼冥濛煙雨裏秋色

滿菰蒲

郭徵芋陂詩種學農師半稜田秋風蟋蟀芳頭圓長時白
雨捎谿足錯認翻珠是渚

又繡鴨灘詩軟沙窩暖綠莎低接翅萍香水拍隄貪把釣

竿看鴨鴨卻忘窗下聽譚雞

繡鴨灘在暴
書亭之東

朱葵尊積雨詩水木陰陰夏尙寒桑枝風戾幾曾乾莫愁

著屐衝泥遠小舫撐過繡鴨灘

郭徵落帆步詩阿嬈船放短篷桅漁火東西水柵開梅里
詩人湖海客幾番風雪夜歸來

朱絳抽帆步詩落日送歸艇孤村生晚煙但看篷腳轉已
到小門前

郭徵暴書亭詩名山事業老逾貪散帙晴簷掃白蟬故實
他年尋好事暴書亭在藕花南

朱幾尊暴書亭偶然作蒲萄煎濃注酒餅酒闌荷葉香滿
汀新涼枕簟不妨設時有北風吹我亭

又春日南垞雜詩移種盆松六尺強欲當車蓋蔽斜陽不
知黛色成陰日此地何人結草堂

舒瞻梅里訪暴書亭詩梅里荒亭在傳聞舊暴書先生不
可作風雅定誰如檻外秋筠冷霜前木葉疏一編容借否
載酒獨躊躇

蘭藻
堂集

王鴻字梅里詞亭子荒涼俯浚沙幾枝疏竹尙橫斜經過
太史譚經地開徧門前紅藕花

補伊湯安重建暴書亭記梅會里暴書亭者秀水朱竹垞
先生所築而因以名其集者也先生舉康熙戊午詞科入
翰林預修明史歸田後擁書八萬卷勤著述尤篤於經海
內翕然宗之嘉慶元年學使閣學儀徵阮公案試禾郡事
畢特訪暴書亭遺址則廢已百年矣乃與大中丞玉公方

伯謝公觀察秦公議修是亭而湯安承乏郡守實任其事
遂清復遺址官給值以贖之芟荒鋤蕨繚以短垣亭柱四
易以貞石使可久且以爲鐫字之地仍懸嚴蓀友中允所
書扁過者不啻先生在時也且蒔花貼石畧還桐階蘭砌
之舊牆陰有桑百十株則畀其後人資修葺費而曩之芟
池芋陂諸景供游觀之勝者姑俟郡人之續成焉可已落
成之日乃進斯鄉之人而告之曰公之建是亭也非徒惜
名迹之湮沒也非徒爲檢討子孫復祖業也將使鄉之人
知鄉之有賢士大夫雖沒世而猶當尊且敬如此也使檢
討之子孫知先人之遺書手澤存焉當守且讀如此也且

使四方之士知通經博古述作不朽潛德久而益光其與
起當何如也知

聖天子以正學教天下學使奉 命稱職必以經術深厚文
章爾雅之儒是崇是奉其奮發激厲又當何如也

伊志

阮公元題竹垞圖追次原韻詞先生歸矣記江南春雨扁
舟初泊自種垞南千个竹老讓懶雲間託繭線牽魚弓枝
射鳴足伴填詞樂畫圖長在肯教踪跡零落今日水淺荷
荒巖低桂蠹殘址難斟酌何處牆邊樓影小曾展秋窗風
幙儒老乾坤書懸日月莫漫悲亭壑重摹橫卷遠山還染
三角

又暴書亭落成疊次原韻詞南垞荒矣問書船潞水何人
停泊經卷詩篇零落後魂夢向誰棲託把酒能招披圖相
慰畢竟歸來樂結成亭子我今重爲君落才見五馬行春
雙鳧漾水攜畫同斟酌尙有孫枝桐葉在護爾秋風簾幙
疊石栽花引牆園竹依舊分林壑者番題柱夕陽休礪牛
角

補馮登府重修曝書亭記曝書亭者朱竹垞檢討歸田娛
老之所游息也築於康熙丙子有南垞茭池芋陂桐階諸
景見諸吟詠實未嘗具勝觀也亭久圯嘉慶丙辰今制府
阮芸臺宮保視學吾浙倡謀修復與中丞王公德方伯謝

公啟昆觀察秦公瀛捐俸重建而太守伊公湯安清復舊址偕邑侯司何兩君督成之明年學使試畢親至亭落成賦詞刻諸石并輯爲小志太守記其事洵一時盛舉也迄今又三十餘年矣亭復圯四圍短垣無存荒榛蔓草過者幾有邱墟之嘆適同年生呂君延慶來莅秀州余急以請慨然有重修之役屬邑上舍何君博暨余董之何君爲勸邑之好義者率公錢鳩工庀材於丁亥冬告成又贖池北屋三楹爲醴舫以鄭簠八分額懸之三面俯池風漪搖蕩寒疆亂篠映帶左右梅柳桃竹槐杏之屬列植而旁蔭墻陰有桑百本留爲灌園資亭中諸景稍稍復之視昔之規

模爲廊矣夫當先生之有是亭也散帙行吟著書送日其
得僊遊於間田舊逕者曾不數年白髮遊蹤老而未息所
謂小樓墻角徒托諸江湖夢寐間不旣嘆斯亭寂寞乎然
而世之高門虎戟數傳焉草宅之矣名卉珍木再過焉薪
摧之矣而斯亭獨巋然無恙後之人聞風而起猶將感興
替盛衰之故歷久而不敢廢豈不以昔之觴詠流連固嘗
讀書起處栖魂魄於此千秋之名身後之事胥於一亭焉
傳之先生有知神遊其中當有知已之感也則斯舉也固
先生之所心許者乎呂侯之治吾禾也百廢具舉尤以興
名跡發潛德爲都人士勸不第誇遊觀之勝爲斯亭慶遭

遇也已是不可以不書道光丁亥臘月東冶林則徐書

又秀侯呂筠莊同年延慶倡捐重修曝書亭屬吳上舍傳
暨余董其役落成有日卽題舍弟登雋所摹曹次岳竹垞
圖柳圩槐汧伴吟身老去拖筇策杖塵八萬卷書傳舊史
十洲郡社結遺民小樓墻角何時補一把香茅不厭貧差
勝永甯高相里青苔門館屬他人 碧幢紅籀記重葺詞

客江關感不禁圖畫爭誇天下借亭臺多費巨公心賦詩

遠問花三逕好事爭誇石一林商略平泉添小志夕陽老

屋護苔陰

嘉慶丙辰阮宮保重建親至
亭落成賦詩纂竹垞小志

垞南風雨故依

然轉眼顏垣又卅年別著高窗開竹戶新添小閣繞茶烟

歸田尚說邱爲宅載酒思乘范蠡船
難得東萊賢地主一囊肯割買溪錢
却超曾起戴逵宅摩詰愛圖鄴樸園
白髮猶思讀畫客青門喜見作詩孫
釣坊春水通鴛鴦籬落金風近蟹村
黛色成陰無恙在草堂重與慰吟魂

馬洵重葺曝書亭落成時梅花正開
同馮雲伯作二首突兀孤亭在先生
昔著書梅花醒鳥夢芸帙散蟬餘楊
子一

區宅陶公五畝居寥寥千載下持較
定如何前輩風流

遠誰知有後賢林亭還舊觀圖畫續
新編

雲伯方作重
修曝書亭記積

水明涵鏡幽篁綠夏天從茲來往便
結社自年年

馮登府重修曝書亭落成并添置醞
舫三楹用竹翁索曹

次岳畫竹圯圖詞韻南圯無恙歎竹孫風雨幾經漂泊矮
屋數間初買斷料理圖書棲託酒庫春濃釣坊魚美器具
花時樂六朝三丙者番差喜重落亭築於康熙丙子重建於嘉慶丙戌至丁亥落
成爲想于野亭荒寅庵竹老園券煩商酌今日山貲償夙
願添箇蠡窗雲幕徑掃秋圯門臨繡鴨眼見新林壑明年
燕後貓頭應迸籬角

呂延慶同作潞沙歸後記池南小築江鄉棲泊一自殘書
零落盡燈火田園誰託先後詞臣風流賢守管領林泉樂
香茅重架夕陽正醉桑落丙辰阮雲臺宮保重建轉眼荔石牆荒茭
池水淺舊史煩斟酌難得圩東畔客謂柳東太史替整雨窗烟

暮竹老扶青桐疎補翠別具胸邱壑一杯還醉吟魂應妥
茶角

馮登府重葺醜舫落成文讌記竹垞檢討既築潛采之堂
堂西闢一室爲觴咏之地曰醜舫鄭簠以佐書顏之先生
自爲箴小足常棣衍飲酒之飫韓詩作醜其說曰脫履升
堂曰宴能者飲不能已曰醜左思魏都賦悵悵讌醜是已
今堂久圯舫亦無存吾友寄園欲補葺而不果曾幾何時
而寄園墓有宿草矣道光丙戌余重葺曝書亭得池北水
閣三楹爰以鄭簠額懸之復舊觀志新賞也夫人離別聚
散之感各舒其心志之樂極於歡噉茗芋而不已當其時

若無足異者及情隨事遷恒念此樂之不再詩言兄弟燕
飲及於朋友既極遵豆之和樂而不忘死喪之威古人值
悅懌之時未嘗不念嘉會之難得喜而復悲如羊叔子王
逸少之流蓋有慨乎其言之也況今之去先生百餘年矣
文采風流邈然不可復接余與諸君子得見斯舫之成相
聚於此未知與當日觴咏之盛爲何如而以余羈宦四方
睽離之日多偶焉聚首相從於風雨之夕把酒言歎如今
茲者恐亦事之未易數數期也諸君曰是不可以不記
馬洵雲伯招飲醞舫同用竹垞題壁韵垞南咫尺堪乘興
小喚村醪勸客嘗亭館尚餘名士氣鶯花不笑酒人狂採

香鳳子時開幔俯檻魚苗淥浸牀難得嬉春詩老健拖娑

猶逐少年場

謂王秋坪丈

馮登府荷花池荷花記竹垞檢討於順治十四年移居梅里宅南有荷花池半畝上安畧約以通南北垞康熙丁丑有並頭蓮之瑞傳諸歌詠蓋百餘年矣花猶昔之花也池猶昔之池也後人以其供游觀無所取資也去花而種魚淤泥不崇萌穢遂絕荒波葑草而已道光丙戌余重葺曝書亭和叔復命園丁種之葉而不花明年疏池又種之上膏膩奮莽葳蕤蔓鱗被黃綠一碧無縫棟風告至柔葉始圓亭亭田田浸潭倏遍一東一西間以菱芡傍有水閣憑

闌而眺多思曩時舉觴臨風賦新詩坐長夏也夫花於日月之遷移寒暑之代謝其開落榮悴不過一瞬耳人於世外觀之其開落榮悴亦適然遭之而已矣然先生詩云惟有荷花憐舊雨年年一爲主人開今花猶昔之花也池猶昔之池也回憶垞南諸老如青士山子輩往來觴詠無虛日今其後多不振而先生之孫清門零落有白莧紫茄之感顏垣風雨幸而僅存余與和叔以時檢校反來作看花之主人是則觀於其中者之不能無感也已

閨秀吳筠過荷花池詩憑闌人正醉飛霞青幔攸斜壓畫
叉濃影半簾春晝永畫眉啼上紫簾花

李伯猷詠竹垞舊迹雙槐詩荷花池上雙槐樹拔地連隣
雲氣護先生娛老此婆娑攜榼每問春酒庫今日來尋夜
雨涼烏篷空挂釣船坊還餘老幹秋風裏吹落疎花滿地
黃

余林梅里雜詩垞南泖北閉門居三月江鄉樂事餘燕竹
笋肥蠶豆嫩釣舫坊賣菜花魚

以上
續補

萃園在市後萃橋北史秀才翼經別業子先震屬屠某寫萃
橋水榭圖今廢

補萃園在太平橋東北數武江山學諭史子菴居也結屋
凌波又號萃橋水榭伯子練溪仲子頤菴並有雋才名列

景山八子伯子子左民仲子子卯君不能保其園居王就
雲贈卯君移居詩可惜萃園三畝宅海棠花發讓人看今
其址鞠爲茂草數十年矣

春風錄

周簣九月晦日同朱竹垞訪史氏昆季萃園別業詩清谿
繞林薄舊是故人居永日罷垂釣深秋聞讀書丹楓拂几
席碧蘚生階除高論一相接予懷良不虛

采山堂集

林之枚偕古公坐萃園水亭詩村居真比百花潭選勝還
同勝侶探雨後青谿高碧浪尊前白塵助元譚禽魚在眼
渾無定梅柳含情總未堪興罷不愁歸路晚落霞爭比法

雲雪

滄江集

李繩遠題史卯君萃橋水榭圖卷詩十畝餘園半綠筠
陰若與衆山隣憑流更築虛房靜只恐山棲尙有塵

尋壑外言

李良年題卯君萃橋水榭圖詩江村但平遠幽境豈易尋
偶然水屈曲便似青山深獨有君家亭榭好一水西來復
東抱宛如漁艇落桃源隔谿隱隱桑麻繞主人雅有靜者
心讀書聲罷弄瑤琴遠風皎月到几案冷然三面流清音
此境由來畫不足屠生妙理嗟神遠君身入畫君不知卻
向霜巒看水竹吾園記接水南園松菊荒涼往跡虛欲作
東橋倒衣叟未妨高枕迺吾廬

秋錦山房集

朱昆田題萃橋水榭圖詩水檻風櫺面面開好書讀罷試

茶杯不須竹下柴門閉此地從無熱客來

笛漁小棗

浣花居在太平橋北王上舍垣所構中有凝香亭亦趣亭後

歸徐上舍煒稱徐園今爲郭隱君維垣別業有巢軒萍池

補春

風錄作柳池

觀稼堂諸勝園外舊有春秋館今廢補今園已蕪沒

補郭氏園在萃園北故亦王氏別業郭畊隱居之矜已傲

物貧賤不移

春風錄

許燦題觀稼堂詩村村穠稔香塋壤千家喜力田而逢年

不及農之子

晦堂詩草

又題澣花居詩庭前花羅羅日移簾影動眞息漢陰機抱

經復抱甕

又題巢軒詩瀟灑衡茅際深沈竹樹交羽毛終自惜高寄
信天巢

又題柳池詩垂垂柳上池相映色逾青一夜風飄絮新添
幾箇萍

馮園在里東簷橋之南卽朱孝廉一是宅

補十畝之間園在簷橋南朱欠菴寓里中時居此後歸馮
氏馮以贈其女夫李氏中有荷池結屋亦雅飭而少花木
之勝春風錄

戚園在里東

北園在南園之北今廢

補梅墅後歸李稔鄉太守稱南園而號其所居姜衡東偏

小築曰北園謝城先生詩南園多荒榛北園長豐草是也

春風
錢

西疇在里西多梅樹

升園在葡萄棚後有觀稼樓亦可亭眄柯軒諸勝

楊謙題眄柯軒詩藹藹芳樹枝林林豁高目孤軒容十笏
飛鳥遙相屬

又題亦可亭詩蘚石羅堦前翠竹列亭左我懶詩不成客
來憩亦可

又題觀稼樓詩西疇滿罷亞南雲轉蔥蒨巾柴日暮歸煙

霽暝芳甸

宜晚園在里南五里王家兜內前明王推官三錫字介湖別業中有聽玉樓諸景今廢爲墓田矣

補王氏園在南村故王金吾園也久廢爲可堂集有游王

園廢址記

春風錄

蔣薰王園歎序日暖不垂通燕幕春深頻洗聽鶯杯此介湖王公宜晚園聯句文待詔徵明所書園廢爲墓田勝板俱亡憶明季於周孝廉家見此云是王氏舊物今年秋飲金吾宅爲介湖曾孫出前聯示余則謂得之周也慨然易二字足成之發一嘆云吾鄉先達王介湖開園南蕩名宜

晚聽玉樓前竹千竿幽芳池上蘭九畹待詔風流筆墨香

書傳佳句同炎琬金谷荒涼蒿蕪深今爲王氏墓詠題朽漫失

真本故友周郎高築臺雙聯妙絕此園來百年喜見逢連

壁轉眼焦桐尾作灰王家得一還失一蔣老前哀復後哀

記憶當時兩舊言聊爲點屨弔塵埃日暖自垂通燕幕此聯

尙存故云自垂春深誰洗聽鶯杯留素堂集

馬園在里南三里馬墮馬佩楷所居梅花極盛今廢

補馬氏園在馬墮地可五畝悉植梅花無雜樹又稱梅園

亦有風亭水榭可以游憩今則易梅以桑者三十年矣春風

錄

蔣作楫晴日馬園看梅遇釣叟同游梅里詩晴明長水放
輕橈次第乘風渡野橋疏影未攀林下看清香遙送客襟
飄白疑樹杪重鋪雪紅駭枝間綴剪綃傾蓋幸逢龐處士
探幽指點興偏饒

適齋詩草

繆綬武梅里踏青詞寒林欲雪漫低徊冷蕊疏枝拂水隈
紙帳茗杯清欲絕馬園禪刹看殘梅

王鴻宇同北舫南谿蒼濤上人馬園探梅詩園荒猶不廢
春早試重探谿路何紆折苔枝開兩三嬾殘同策杖上下
更尋菴後日期相餞野橋酒榼擔

上人別
游五臺

李宜聞諸君子看梅馬園補和沈菜畦原韻梅會相傳舊

名園獨占強諸公
閑訪徑數里
早聞香春到
寒猶劇林深

雨不妨翻嫌花信癖
勿耐往來攘石燕草

補竹亭不知其處李畊客竹亭對雨詩香草居集爲朱十齋

中對雨或卽朱檢討節廉橋故居未可知也春風錄

李符梅里竹亭對雨詩石橋煙舍晝開扇不惜衝泥日再

經總是好春何厭雨但逢雅集便宜亭谿魚撥刺投竿得

山鳥絲蠻倚樹聽載酒花時尋勝地無如南去兩峯青吳志

案分柿偶編
作竹垞對雨詩

沈進題溪東竹亭詩茅齋修竹暗檐楹三十年前舊雨聲

蟋蟀吟秋香滿渚藕花菱葉最關情

顧氏園不知其處涂常建有同滋萬鹿堂尋菊顧氏園亭詩
今曹王廟東有顧氏居隙地半畝襍花翠竹羅羅清疏歲猶
種菊豈卽常建賦詩處邪春風錄

巢松園談黃浮園也李學博山顏有憶巢松園寄黃浮五言

律詩杜隣若有巢松園七言古詩同上已上俱補

勺園在顧家滙一作古太史登府築中有奉輿軒古靈源

拜竹詩龔一朶山房柳界小橋李亭酌史巖一把香茅屋八
景今多傾圯

馮登府勺園圖記勺園主人性嗜山澤甫冠遊四方遇山
水輒躡芒履登攬其勝流連不忍去官京師時塵土堀堞

又未嘗不思作買山計也辛巳在假崑山王孝廉學浩爲
作勾園圖以寓意實未嘗有園也迨閩嶠還貧益甚奔走
乞食未遑息其明年學錢之入稍給蔬水貲舍後老屋數
間久頽圯乃稍稍葺治之前後隙地十餘弓從里中得舊
圃花石謀置之有山有坡有榭有軒有松杉有梅柳桃杏
有檣李山茶王蘭木樨石榴繡毬四時之花畧備未經斷
手先定爲八景賦詩紀事仍以勾園名所以實其圖也且
以宇宙之遼廓也名山大川所在皆有卽以余生平遊展
所麻山則有東岱西衡劍門霞嶺九龍白鶴之奇水則有
渤海瓠子淮沂桑乾洞庭劍津之險然其間洪濤巨浪之

奔湃洄瀾深巖絕壑之欽巖風雨雷霆之震撼日月之遷
移以吾溺乎其中顛簸駭愕搖魂蕩魄隨乎其所至而休
焉而況乎世途之嶮更有甚者與余七十五日而去官若
泛苦海而到於岸也若墜危厓深谷之得躋於平夷也今
所食不過一粟所居不過一廛小邱卷石雜花野竹以吾
身徜徉嘯傲其間無他思慮營營之擾其視世之泊沒者
雖均之未免有所待而其取之也不貪故其用之也不竭
江湖之浩蕩鷗鷺之間適須於此足吾欲焉則天地間何
在非園亦何在非佳山水也一勾多乎哉於其落成也自
爲之記并自號云

又題勺園八詠圖茅雖不供客祖竹已生孫白髮扶藤杖

看花又一村

奉輿軒

酌突分靈源十年勞既達在山與出

山視此清一勺

古靈源

新竹初破笑老竹喜共醉消夏福

膊膝北窗收涼吹

拜竹詩龔

旖旎六峰間玲瓏面面環最宜

秋雨後來看一房山

一朵山房

插柳爲隣界春來但住鶯曉

風殘月裏無夢到達瀛

柳界

花草城未蕪菓熟園丁餉幾

樹留房陵此間有亭長

小橋李亭

曾讀天上書歸來忘辱寵

一壺斟酌之酒家有南董

酌史

但謀彭澤酒未買浣花

田何時五十五來送草堂錢

一把香茅屋

馬洵勺園有古靈源泉柳東開鑿成池用東坡韻見示同

作卜宅絕勝西枝村頻年高臥清心魂看花昨日喜踐約
酒中疎影浮黃昏古靈源泉僅一勺何意海眼潛通園細
雨點波縠紋縐柳絲拂檻東風溫一經開鑿便成趣歛澹
夜光涵朝暎釣竿入手坐磐石洗頭濯足開籬門此水與
君同一潔慧斐離垢非空言釀成春酒應難老好獻高堂
介壽樽

余贊同沈子清過柳東太史勺園故居作東鄰馮太史投

老臥村莊酌史俟千古

酌史巖爲勺園入景之一

傳經來四方鶴飛逋

客去

柳翁有玉堂逋客小印

虎健酒人狂遲踐雨餘約來看山一房

最宜秋雨後來看山一房柳翁句也

隴西聖墅在鷗蕩南上舍李魏堂築今廢

第宅

〔補〕唐時士大夫第宅多載於宋敏求長安志中吾一自勝朝以及國初門第猶盛百餘年來荒榛廢址靈光僅存紀其堂構不無有古今興衰之感爾

後晉

王達宅在里北九里官灘頭

宋

雙桂堂張阿斗宅在里南三里楊家村

〔補〕宋張叔夜江西永豐縣人仕至延康殿大學士金人南下率長子伯奮次仲雍以南路都總管起兵勤王後城陷

從淵聖至白溝河卒贈開府儀同三司謚忠文二子不屈
死伯奮子阿斗字煥章隨高宗南渡丞相趙鼎薦於朝不
赴召遂隱於梅里楊家橋卹莊築雙桂堂讀書其中今張
氏分東西二支頗有以詩文科名顯者

天香
錄

元

學士王景宅卽期堂寺

徐善興宅卽南聖堂

明

王義士昇宅

當時鎮人目爲王義官俗呼尙義碑邊卽昇父子故居

見
志

澄遠堂李博士應徵宅後歸朱司理昇名根心堂俗稱大門底補今爲張上舍士榮宅名慎心堂

百順堂李運使衷純宅內有襲紫樓最高可望海

李符九日飲明遠叔襲紫樓詩扶展憑高爽氣澄午餘留坐及宵燈雙童解事簪黃菊九日開筵剝紫菱婪尾酒隨羣從飲近花樓記隔年登青山厯厯當前好不用捫蘿上

幾層

香草
居集

顧太守民畝宅在顧家滙

鄭樓明府士奇宅

來青堂王金吾宅在里南王家兜今廢

春槐堂王處士翊宅

補秋槐春槐王价人所居卽以名其詩集嘗種牽牛花一

叢冒于籬上每到花時輒吟詠其下

春風錄

大經堂屠處士爌宅在里東梅谿橋北今尙存

張履祥題屠處士爌村居詩霍原六聘山焦先三詔洞漁

子定迷津只莫桃花種

明詩綜

槐壁梅里宿屠爌宅詩汝髮黑如漆吾頭白可憐匆匆達

上巳袞袞話當年月落吳關樹春深樵李田明朝須解纜

不放老夫眠

同上

爲可堂朱孝廉一是宅在梅谿橋南塊有紫薇軒

國朝

秋閣堂王方伯庭宅在王家灣

竹石居王方伯舊宅在塘橋街又有尺五居倚天閣異壘居
問軒諸名

靈蘭館范處士路宅

臥山堂周布衣簣宅在漾葭灣

潛采堂朱檢討獎尊宅在荷花池上有 御書研經博物

圖額補今堂已傾廢惟堂後敬悅齋尙存汪方伯楫書額

補徐尙書乾學嘗訪竹垞於潛采堂甫入坐兒童數十擁
擠階下徐駭以問朱朱曰此正所謂慣看賓客兒童喜也

徐爲之粲然

春風錄

秋錦山房李徵士良年宅在漾苳灣孫承澤書額有息游苳堂賸舫俱鄭簠分書

朱彝尊李徵士行狀已未試罷有鳳陽守延君久之歸築秋錦山房於漾苳灣南曰觀槿東曰剩舫北曰息游草堂

暴書
亭集

李符題秋錦兄賸舫兼示元汎姪詩揮盡江湖雇直錢歸來賸有屋如船任他拍岸風波到不用回頭喚長年 小徑榛蕪次第芟扉窗隔水見楓杉筆牀研几安排了可喜能詩有阿咸 一葉隨波下釣絲天涯定負十年期斷斷

結箇茅齋並重續雙船聽雨詩

花南老屋李符宅在板橋東司馬坊鄭鑑分書額

李符司馬坊新居詩花南老屋稱鴻春白板雙扉祇一重

飄泊半生三徙宅隔垣仍見舊園松

舊園予舊居也

業創吾家

嵯使者偶然來往老宗孫年時喬木雖凋謝剩有香橙翠

葉繁

香草居集

繆綬武詩數家老屋沒花南舊徑雖荒我尙諳谷口分書

真跡渺顏垣風蔓舞穆穆

杜宗伯臻宅在官灘堂懸

御書煙霞耆舊額

補新城王士禎送臻予告詩有亦欲投簪東海去便從梅

里間幽棲之句今其後人猶世居於此

司志

演谿書屋徐在宅在賣魚橋東北有鄭簠分書額補李明遠

詩曠士門前號演谿波瀾曲折石橋西是也

春風錄

李良年詩片帆湖海少年情此日吟軒羨早成天下何曾
愛詩句君才不信老躬耕雨餘挑菜畱僧話竹底攤書看
月生鷗鳥亦知風浪惡秋來只傍演谿清

朱昆田過演谿書屋詩碁閣經窗倚亂披春風隨意發高
歌舍前舍後梅花放閒往閒來酒伴多古樣窗棂裁白
新方小釀瀉紅螺日長無事須尋句第一先

谷過

飛蘿書屋吳給諫源起宅在花園橋北朱檢討

李處

西翠樓郭明府哀宋宅在環橋南塊

半巢居沈秀才進宅在節廉橋

補沈文學進子異性愛海棠於宅西手種數十樹花時實

爲勝觀鄭序周朱珣叔王就雲皆有詩余經其故宅亦賦

詩云海棠三十樹樹樹豔朝霞高會幾春酒東風空好花

聞焉曾有夢歸鶴更無家寂寞梅南地重來感物華

春風錄

道南堂李司訓瑋宅在荷花池上

續補今廢

樂志堂李教諭明器宅在姜家街

留素堂蔣明府薰宅在里南五里蔣莊村

林牧宅

彭孫適鞏畫看竹圖序松亭林子才華藻麗雅擅詩古文
詞築室於橫山之北長水之東種竹嘯歌奉高堂晨昏以
愜素願

崖畧堂繆明府啟武宅在環橋街

松壑書屋顧上舍清宅在大街上

心我雲龍宅在塘橋西堍

制府維鈞宅在賣魚橋北今廢

易堂金明經介復宅在棧頭上補今廢

陳景宅在環橋東今廢

芷閭朱別駕琪宅在馮家帶朱楫師桂孫寫芷閭圖

芷閭朱竹垞先生八分書額

瓦缶集

朱彝尊芷閭記宗人琪從予學所居道南春同杵日汲同
井兼珍以養母集衆說以通經斷金伐木以求友而又樂
善不倦爲粥於路誅茅編竹以棲餓人自我得琪庶幾同
其臭味焉芷閭者琪讀書之舍也予旣書扁且爲文記諸
壁

三緘齋周臣宅

朱昆田題三緘齋詩宰相惟堪陷飯耳此語於臣信有之
刺舌引錐終不戒始知緘口是良師

聽鴻樓閨秀吳氏之宅在闌干橋北堍王蔗田卓繪聽鴻樓
圖

陳志吳聽鴻樓圖序吾友蓼洲吳君攜家客楚最久其愛
女道嫻日夜思之不置恨不能相隨以往也於是感鴻雁
而作詩以寄而萊畦沈君顏其樓曰聽鴻蔗田王君爲之
圖沈之八分王之丹青皆矜慎不肯爲尋常人下筆而
珍重作此豈非以道嫻之詩其卽古風人陟岵岵之
古人行役登山以遙望其父母道嫻以女子不能偕
樓聞雁而致其思其情一也嗟乎世之爲人子者於
遠游徒望其陸賈歸裝耳孰有如道嫻日夜思親

讀此詩其不慙然自愧乎我向以道嫻之詩擬之鄭貞懿
肅雝集今觀此詩益信抑亦可見吾友詩禮之教其被於
家庭也深矣

吳葵懷親詩橋李城南長水東梅花谿隔幾橋通闌干橋

北深宵月慣照樓中人聽鴻

聽鴻樓案

又夢中接南大人書起題聽鴻樓壁詩十年吟卷半懷親

老去浮家湘水濱會念故園樓上女秋風仍作聽鴻人

同上

金大海題聽鴻樓上小樓詞小樓昨夜西風送飛鴻不信

衡陽書信竟難通捲簾望倚闌聽思無窮楚水吳山雲失

幾千重

琉璃集

補俞汝言宅

俞汝言自秀水移家梅里與繆永謀天自同居司志

遙山堂繆其器宅

里無山而南有東西爰山大小橫山硤石東西山送青致
爽若爲吾里設者朱竹垞之六峯閣繆倦鋤之遙山堂李
松窗之飛翠山房顧中村之扶青閣繆雪堂之髻山樓李
蛻菴之寸碧山堂余之借青閣皆以其遙望可見而借才
異地者也春風錄

見山樓楊白民所築

見山樓額繆元英分書同上以
上俱補

補萬善堂李明府集宅在項家灣

觀妙齋李上舍光映宅在板橋西今歸何氏所居

韻篁居胡上舍維祺宅在里北六塔橋

金編修蓉宅在棧頭上今爲張氏宗祠

春靄堂馮刺史馨宅在蔣家灣

歸雲堂馮太史登府宅在顧家滙